

Distantzia 8,8 km	Desnibela 420 m	Iraupena 3h00	Tipologia Itzulia	Zedarriak PR seinaleak (horia) 1. zatitik 4.era, (gorria eta horia) 5. zatian
-----------------------------	---------------------------	-------------------------	-----------------------------	---

Urruñatik (A63 autobideko 2. jalgibidea), hiri inguruko biribilgunean, Ibardineko lepora eta Azkainera buruz segitu (D4). 3,5 km urrunago, D4 eta D404 errepideen arteko elkargunean, eskuinera joan Ibardineko lepoko errepide hertsia igateko. Segi 200 metro urrunago eta itzul eskuineko aparkalekura buruz: ibilaldia handi abiatuko da.

GPS datuak: **UTM :606415 - 4798524 Lat/Long : 43.332033 / -1.687312**

ibilaldi oso ederra Urruñako gainaldeetan, muino panoramikoak zeharkatzen dituen eta Ibardingo lepora iristen dena, behiala merkataritzek, mugalariek eta kontrabandistek egun eta gauzez erabiltzen zituzten bide zaharretariko batetik. Historia sakona duen itzulia, ipuinak eta trikuharrien aztarnak batzen dituena.



1. ZATIA > Herburutik (D404) Mokoa lepora


UTM: 606415 - 4798524. Aparkalekuan, ezkerrean bidexka baten hastapena aurkitu (atexka). Mandobidexka da, laster Andureta ibarxka guzia iganen duena, beti errearen ezkerreko bazterrean egonez. Gorago, harizti eder batetik iragan (laugunea), atseden hartzeko leku ezin hobea, eta segi igaten bidexka belartsu zabaletik, ibarxkaren ezkerrean urrunduko dena (eskuineko bidexkari kasurik ez egin). T formako sei haritzen bidegurutzean, eskuineko bidexka berria segitu.

2. ZATIA > Mokoa lepotik Ibardineko lepora

UTM: 606051 - 4797011. Bide zabal baten bihurtun heldu (325 m), Larrun gainera ematen duen ikuspegiarekin: ezkerretik segitu. Kasik ordokia da eta oihanak zeharkatuko ditu, ikuspegi batzuekin, eta urrunago Ibardineko lepoko benten azpitik iragaten da. Bidearen puntan, ezkerreko aparkalekua zeharkatu eta errepidetik Ibardineko leporaino jautsi. Lepoko biribilgune ttipian (benta Gorria), errepidearen ezkerretik ibili 50 m-tan (Urruñara buruz), "Lapurdi" bide seinaleraino.

3. ZATIA > Ibardineko lepotik Erleen lepora

UTM: 606682 - 4796118. "Lapurdi" bide seinalean (315 m), mundruna utzi eta eskuineko lurrezko bidexkatik igan, gorri eta zuriz seinalatua. Bidexka portale batera helduko denean, igan eskuineko xendra belartsua eta biziki zuta hesiaren bazterretik eta iratzen artetik. Lepo belartsura heldu (385 m), Ibardin lepoaren gainerako ikuspegiarekin eskuin, eta Larrun gainerako ezker (ezkerreko lehen bidetik joan-erori bat egin daiteke Emigratuen Gotorlekura). 30 m-tan



segitu 5 bidexkaren bidegurutzearaino: hartu bigarrena ezker, jausten dena (Biarritz jomugan). Zabaldegi batetik iragan (harri-jotzaileen bidea), eta eroria den trikuharriaren ondotik segi jausten pareko oihanetik. Beherean, jelaren ondotik egon ezkerreko bidexkan abiapuntura heldu arte.

4. ZATIA > Erleen lepotik Airelekuko oihanera

UTM: 606687 - 4797292. Erleen lepoan (244 m), errepidearen ezkerrean, hauta jela batek zirkulazioari debekatzen dion bidexka (ibilaldiaren panela). Oihanetik aterako da, Larruneko kaskoa agertuko, eta gain zabal batera helduko. 30 m jautsi lepo ttipi belartsu batera (266 m), eta iratzen artetik eskuin igaten den bidexka zabal segi. Aireleku kaskoko goi-ordokia zeharkatu, hondakin batzuen ondotik iragan, eta parean jautsi ezkerrean makur doan bidexkatik. Y formako bidegurutzean (252 m) ezkerreko bidea hauta, oihanean gainti. Y formako bigarren gunean, berriz ere ezker hartu, igaten den bidexka. Y formako hirugarren gunean, eskuin jautsi.

5. ZATIA > Airelekuko oihanetik Herburura (D404 errepidea)

UTM: 607062 - 4797839. Bidegurutzean (215 m) jausten den lurrezko bidea segitu eskuinaldera (ondoko bidexkei kasurik ez egin). Bidea haritz handi baten azpian iragaten da, bihurtun zerratu batean (ikuspegi Urruñako auzoaldean gainera); erreka ttipi bat iragan eta, Y formako bidegurutzean, eskuineko bidea hauta, harrietan barna jausten da, patar handian. Goi-ordokiaren eta haren iratzediaren sarreran, itzul bidexka berri batera (2 zuhaitz hil); xendra bat bada haren segidan. Oihanean, zubi ttipiaren ondotik, ezkerrean igaten den bidexka hartu. Argigune eta oihantxoak aldizkatuko dira eta beste hiru erreka ttipi zeharkatuko ditu bidexkak. Zerratua den pentzera heltzean, ezkerrean doan bidexka segitu, burdin hesiaren bazterretik. Bidexka zabalago bat Ibardineko lepoko errepideraino helduko da (110 m): D404 zeharkatu kasu eginez, eta bi haritz handiren gibelean, hartu erreka batera jausten den bidexka. Ibitik istapeka iragan aparkalekura heltzeko.

INTERESGUNEAK

❖ Elorri zuria (0,85 km)

Borda aurriaren ate aitzinean elorri zuri deitzen zaion zuhaixka bat bada. Hiru gingileko hostoei, baia gorri eta arantzaz zorrozei esker ezagut daiteke. Txoriek (txepetxek berdin) aldaxken trinkotasunean egiten dute ohandte. UTM: 607406 - 4797671

❖ Mandobidexka zaharra (3,75 km)

Mandobidexkan, lauza arroksuetako higadura aztarnek ez dute duda izpirik uzten behiala bide hartatik bidaiari eta merkatar asko ibiltzen zirelakoan, hainbestearino non gurdien errotak oraindik grabatuak diren harrian. UTM: 606227 - 4798424

❖ Historiaren lekukoak (7,4 km)

Lepo hartatik, ondareko balioztatze bidexkarekin bat egiten dugu. La Redoute des Émigrés gotorlekura heltzen ahalko gara (Napoleon garaiko gerlen aztarnak), eta protohistoriaren lekukoak aurkitzen ahalko ditugu: tumulu batean, zilo soil batek trikuharri baten kutxa dela salatzen du (trikuharri zaharra); beherago, etzana den harri bat, beste trikuharri baten hondarrak, eroria, K.A.ko 3000 urte ingurukoa. UTM: 606879 - 4796198

❖ Harginen kaia (7,8 km)

Laugune baten erdian den paretazuzen harrigarri batekin, gune hau mendiko baliabideen ustiaketaren lekukoa izaten da. Goi-zelai hau "Harginen kaia" izateagatik famatua da, erazketa-guneetatik ateratako harrien kargatze-gune zaharra. UTM: 606879 - 4796198

ARRETAZ IBILTZEKO LEKUAK

Herburua, kontuz ibili D404 departamenduko errepidea zeharkatzean (trafiko aintz bada) UTM : 606550 - 4798458

EKIPAMENDUAK ETA ZERBITZUAK

6,7 km Ibardingo lepoko bentak, saltagiak eta jatetxeak UTM: 606552 - 4796046

Ibilbideen erabilbidea

ZAILTASUN MAILEN ADIERAZLEAK

Oinezkoen mendi ibilbideak zailtasunaren arabera sailkatuak dira zirkuitu bakoitzaren fitxa praktikoan. Gisa horretan, Oinezko Ibilaldien Frantziako Federazioaren gomendioak jarraitzen ditugu.

Oso erraza: 2 oren baino guttiagoko ibilaldia. Familian egiteko arras egokia, bide ongi markatuetan.

Erraza: 3 oren baino guttiagoko ibilaldia. Familian egin daiteke. Bideak batzuetan pasagune zailxeagoetan pasatuz.

Ertaina: 4 oren baino guttiagoko ibilaldia. Ibiltzeko ohitura duten ibiltarientzat. Batzutan kirol mailako lekuetan edo desnibela duten maldetan.

Zaila: 4 oren baino gehiagoko ibilaldia. Ohitura duten ibiltari

kirolarientzat. Ibilbidea luzea edota zaila da (desnibelatua, pasagune korapilatsuak).

MENDI BIZIKLETAKO IBILALDIAK:

Oso erraza: bide zabala eta gurpiletarako egokia; 300 m baino guttiagoko desnibela.

Erraza: gurpiletarako nahiko egokia den bidexka; 300m baino guttiagoko desnibela.

Ertaina: bidexka tekniko, 800 m baino guttiagoko desnibela.

Zaila: bidexka oso zaila, 300 eta 800 m arteko desnibela.

DESNIBELA

Fitxetan agertzen den desnibela, igoera guzien gehiketa da.

IBILALDIAREN IRAUPENA

Zirkuitu bakoitzarentzat emana den iraupena gutxi gorabeherakoa da.

Kontuan hartzen ditu ibilbi-dearen luzetasuna, desnibela

eta izan litezkeen zailtasunak. Ibilaldi denbora geldialdirik gabe kalkulatu da.

PR® LABELIZATUAK DIREN IBILBIDEAK

Label horren bitartez, Oinezko Ibilaldien Frantziako Federazioak onesten du oinezko ibilbide andana bat, kalitate irizpideen arabera. Hautua egiten da, plazer irizpideen, irizpide tekniko, turismo eta ingurumen irizpideen arabera (informazio gehiagorako: www.ffrandonnee.fr)

GPS DATUAK

Abiapuntuaren datua, latitude/longitudetan ematen da, zure ibilgailuaren GPSan sar dezazun. Gainerako datuak (ibilbi-dearen geldiguneak) UTM datuetan emanak dira. Hona erreferentziatzeko formatua: WGS 84 - UTM 30T

Jokamolde egokiak mendi ibilaldietan

Ipar Euskal Herriko bidexketan ibili nahi bada, **natura errespetatzen duen jokamoldea izan behar da, baina baita lurralde hori biziarazten duten emazte eta gizonak errespetatzen dituen jokamoldea ere. Horretarako, garrantzitsua da arau batzuk errespetatzea.**

Abiatu aitzin, presta zaitez

- Ez zaitezela abia beharrezkoa den materialik gabe (mapa, ura, jantzi egokiak, etab.).
- Ez zaitezela bakarrik abia edo, hala eginez gero, hurbileko bati edo herriko etxeari jakitera emaiotzu (zenbait lekutan telefono sarerik ez da eta ezin atzemana bilaka zaitezke).
- Erreketako ura ez ezazula edan eta ez zaitezela honetan baina.
- Eguraldiari buruz informa zaitez, erabat alda daiteke. Jakinean izan zaitez garai hauetaz: lur-erretze, ihizi, oihan-lanetako eta abar.

Natura zain ezazu

- Zakua har ezazu zure hondakinak eramateko.
- Abereak urrunetik eta isilik beha itzazu.
- Basalorerik, baiarik edota ondorik ez ezazula bil baimenik gabe.
- Lekuan emana den seinaleketik errespetatu ezazu eta zaude bidexka zedarrituetan.

Laborantza eta artzaintza aktibitateak errespetatu itzazu

- Autoan ibil zaitez emeki abere taldeetatik hurbiltzean.
- Autoa aparka ezazu horretarako antolatutako diren lekuetan, zirkulazioa ez trabatzeko
- Ez zaitezela ibiltzera joan zure zakurrarekin, bestela, loturik atxik ezazu.
- Xeila hets itzazu, handik pasa ondoan.
- Ibilbideen gaindi dauden jabego pribatuak errespetatu itzazu.
- Libre diren animalengandik urrun egon zaitez eta ez itzazula bazka.
- Ez ezazula surik eta barbakoarik pitz.
- Kanpa ezazu baimenduak diren guneeetan bakarrik.

Zure hondakinen kudeaketa

Zure ibilaldietan, hondakinak zure bizkar-zakuan atxiki itzazu. Etxerat heltzerakoan, hondakinak bereiz itzazu eta bigarren bizi bat ukan dezaketel!

ZENBAKI BALIAGARRIAK

- Météo France:
08 99 71 02 64 edo 32 50
edo www.meteofrance.fr

- Sokorriak: Larrialdietarako zenbakiak: 112 - SAMU 15 - SUHILTZAILEAK 18



ZURE IRITZIA GURE BIDEKKEI BURUZ

Proposatzen dizkizugun ibilbideak arreta handiz landu ditugu. Zure irudipenak eta oharrak gure bidexken egoerari buruz interesatzen gaituzte, eta bidexkak egoera onean atxikitzeak aukera ematen digute. Gonbidatzen zaitugu edozein arazo edo ohar baliagarriak jakinaraztera: sentinelles.sportdenature.gouv.fr

HELBIDE BALIAGARRIAK

Euskal Elkargoko Turismo Bulegoa
Turismoko Harrera bulegoak:

- EZPELETA, karrika nagusia
+33(0)5 59 93 95 02

- SENPERE, pilota plaza karrika
+33(0)5 59 54 11 69

- AINHOA, karrika nagusia
+33(0)5 59 29 93 99

- SARA, Herriko Etxea
+33(0)5 59 54 20 14

-AZKAINE, Olhetako bidea
+33(0)5 59 54 00 84

- URRUNA, René Soubelet plaza
+33(0)5 59 54 60 80

Kanboko Turismo Bulegoa

Avenue de la mairie
+33(0)5 59 29 70 25

PROFESIONALAK

Brebetadun profesional eta animatzaile anitzek laguntzen zaituzte ezagutuak diren bidexketatik kanpo. Haien zerbitzuetaz gozatzeko, harremanetan jar zaitez Euskal Elkargoko Turismo Bulegoaren turismoko harrera bulegoekin.

ZEDARRIZTATZE ITUNA

Hemen aurkezten dizkizugun bidexkak oinezkoen ibilbideak dira (PR®) eta horiz markatuak dira. Halarik ere, bide zati batzuk ibilbide luzeekin (GR) batera litezke; eta kasu horietan, marka zuri-gorriek jarraitu beharko zaizkie. ibilbide fitxetan zehaztuko zaizu hori.

	PR® TOKIKO BIDEKKA	GRP TOKIKO IBILBIDE LUZEA	GR® IBILBIDE LUZEA	VTT BIDEKKA
Norabide ona	—	—	—	▲
Itzul ezker	↶	↶	↶	◀
Itzul eskuin	↷	↷	↷	▶
Norabide okerra	×	×	×	✖